



საქართველოს რესპუბლიკა

ელექტრონული ფოსტა: sakresp@gol.ge

ვებ გვერდი: www.open.ge/sakartvelos-respublika

ფასი 50 თეთრი.

გზუზინ

სუფიცხთულის საკათედრთ ცაბბბში



საუფლო კვბბბის და ლვთივბრწყინვალე და მირონმდინარე სუფიცხთულის დღეს საქართველოს პრეზიდენტი მიხეილ სააკაშვილი მცხეთას ეწვია და სუფიცხთულის საკათედრო ტაძარში სანთლები დაანთო. მოგვიანებით, პრეზიდენტმა მცხეთაში გა-

სეირნა და ახლადგაკეთებული სკვერი გახსნა, სადაც საქართველოს პრეზიდენტს ლვთისმშობლის ხატი აჩუქეს. პრეზიდენტმა სპორტული მოედანიც მიიწახულა, შემდეგ კი მცხეთის რაიონში „სახალხო ბანკის“ ფილიალი გახსნა.

ფილიალის გახსნის შემდეგ საქართველოს პრეზიდენტი მცხეთის პოლიციის სამმართველოს ეწვია.

იხ. გვ-2 გვ.



უშიშროების ფედერალურ სამსახურს ჩაეძინა

იხ. გვ-6 გვ.

ეს დღეები მღელვარე ნალჩიკში

იხ. გვ-7 გვ.

ფრინველის გრიპზე პრეზიდენტმა და მინისტრებმა იმჯელეს

საქართველოს ხელისუფლება ქვეყნის ტერიტორიაზე ფრინველის გრიპის ვირუსის შესაძლო გავრცელებას მომზადებული შეხვდება. ფრინველის გრიპის გავრცელების მიზნით მიმდინარე სამუშაოების შესახებ საქართველოს პრეზიდენტი გუშინ სახელმწიფო კანცელარიაში საქართველოს ჯანდაცვის, გარემოს დაცვისა და სოფლის მეურნეობის მინისტრებს ესაუბრა. ხელისუფლება ყველა საჭირო ღონისძიებას ატარებს, რათა ქვეყნის ტერიტორია და მოსახლეობა ფრინველის გრიპის ვირუსისგან დაცული იყოს, — აღნიშნეს შეხვედრის დასრულების შემდეგ მინისტრებმა. სოფლის მეურნეობის მინისტრ მიხეილ სვიმონიშვილის განცხადებით, ფრინველის გრიპის ვირუსის თურქეთსა და რუმინეთში გავრცელებისთანავე, საქართველომ ამ ქვეყნებიდან ფრინველის ხორცისა და კვერცხის იმპორტი შეაჩერა. „ქვეყნის ეპიდემიოლოგიური სამსახურები შეთანხმებულად მუშაობენ ყველა სტრუქტურასთან, რომელსაც მთავრობის

მიერ განსაზღვრული პროგრამით ევალებათ არ დაუშვან საქართველოს ტერიტორიაზე ვირუსის გავრცელება“, — აღნიშნა სვიმონიშვილმა. გარემოს დაცვის მინისტრ გიორგი პაპუაშვილის ინფორმაციით, საქართველოს ტერიტორიაზე ფრინველის გრიპის გავრცელების ფაქტი ჯერჯერობით არ დაფიქსირებულა. მისივე თქმით, საქართველოში ფრინველის ხორცის შემოტანა იმდენ ხანს იქნება აკრძალული, რამდენიც საჭირო გახდება მეზობელ ქვეყნებში ვირუსის ლოკალიზაციისა და ლიკვიდაციისთვის. ჯანდაცვის მინისტრ ლადო ჭიპაშვილის განმარტებით, ფრინველის გრიპის ვირუსი ჰაერნეშვით გვით ვრცელდება და იგი იმდენად რთული დაავადებაა, რომ 100 შემთხვევიდან 30-40 სიკვდილით მთავრდება. ჭიპაშვილის განცხადებით, ხელი-სუფლება 3-4 დღეში ყველა ღონისძიებას გაატარებს ვირუსის გავრცელების საშიშროების თავიდან ასაცილებლად.



დედის დღიური შვილის კომენტარებით...

„დიდი გაჭირვებით გადავხვდით მორეზზე და მივუახლოვდით ერთ დიდ საბარგო მატარებელს, ვეძახდი ალიოშას, ვეძახდი ხმამაღლა, გავეყვიროდი... ჩამოვიარე მთელი გრძელი ეშელონი. მერე გავძვერი იმ მატარებლის ქვეშ და მეორე ლიანდაგზე განოლილ ასეთივე მატარებელს მივადექი. შევეძახოდი საბარგო ვაგონებში ჩაჭედებულ პატარ-პატარა ფანჯრებს, დავრბოდი პირველი ვაგონიდან ბოლო ვაგონამდე... ვეძახდი, ვეძახდი, თავგანწირვით ვყვიროდი!..“

იხ. გვ-10-11 გვ.

ან ქურდები იბოგონ, ან ფული დამიბრუნონ!

იხ. გვ-20 გვ.



მე „საქონი“ მიყურებდა

FLFVBFYBC FEHF RBLTD
CFV LQT LF QFVTC WJW[KJ,C
VBCB CBRDLBKBC I TVLTU

იხ. გვ-15-16 გვ.

„მდიდარნი ბევრნი ყოფილან, ოხრად რჩენიათ ქონება“...

იხ. გვ-3 გვ.



ყოველკვირეული ლიტერატურულ-კულტურული ჩანართი №28

ქვირფასი საფლავები



საქ იუნდა იყოს კუჩაბიშვილის საფლავი?

ჩვენი დროების უსაზღვრო ზემოქმედებისა და ღონისძიებათა კასკადში დიდი დავით გურამიშვილის მირგოროდიდან თბილისში გადმოსვენების საკითხმაც გაიჟღერა...

გვინდა ამ იდეის მესვეურთ შევასხენოთ: მრავალ მიზეზთა გამო უკრაინის მიწაზე გურამიშვილის საფლავი ძალიან ფრთხილად მისადგომი ადგილია და დელიკატური თემაც, თუნდაც იმ დოკუმენტური რეალობის გათვალისწინებით, რომ პოეტს სწორედ, ამ უცხო მიწაზე სიკვდილი არგუნა ბედმა.

ფაქტი ყოველთვის არის რაღაცის ნიშანი. ქალაქ მირგოროდში დავით გურამიშვილის სამუდამო განსასვენებელიც რაღაცას ნიშნავს, ბედისწერული საიდუმლოს მატარებელია და პოეტის არა მარტო ცხოვრებას, სულიერ ბიოგრაფიასაც უკავშირდება...

* * *

ჩვენთვის მძიმე დღეების მერე, როცა ხელისუფლებისგან გამეტებულნი უკრაინელი ხალხი სიმძიმესავით ატარებდა ამ გაუგონარ ტრაგედიას, ლიტერატურის მუზეუმის ორი თანამშრომელი მირგოროდში გავემგზავრეთ... კიევის აეროპორტი და ქუჩები სველი იყო, წყლის დიდი ჭავლით გამუდმებით რწყავდნენ... როგორც აგვისსხნეს, წყალი რაღაცადაც ანეიტრალეს...

სამუდამოდ დამამახსოვრდა მზიანი ქალაქის სველი ქუჩები, იქ მოარული ადამიანები, სახეზე ალბეჭდილი სევდით...

ქალაქი მირგოროდი რადიაციის ზონიდან შედარებით მოშორებული ადგილია, მაგრამ ჩვენს ძალიან სტუმართმოყვარე მასპინძლებსაც არანაკლები შემოფოთება ეტყობოდათ...

იმ დღეებში დავით გურამიშვი-

ლის საფლავთან რამდენჯერმე მივედი... რამაც გამოაცა და რასაც დღემდე აუღელვებლად ვერ ვიგონებ, საფლავის ქვაზე ქართულ-უკრაინული წარწერის გასწვრივ, ზოგჯერ ძალიან პატარა, მაგრამ ყოველთვის ახალი ყვავილები ეწყობოდა. აქაური, უბრალო ადამიანებისგან — ჩვენი პოეტისთვის მირთმეული...

მიკვირდა, რომ ამ საერთო მღელვარების დროსაც არ ავიწყდებოდათ, ახლობელით ახსოვდათ, დაახლოებით სამასი წლის წინათ დაბადებული ქართველი პოეტი.

დ. გურამიშვილის სახლ-მუზეუმში ექსკურსიები არ წყდებოდა. ჩვენი წარდგინება, იქ ყოფნა, გულწრფელად უხაროდათ, იმ უბრალო მიზეზის გამო, რომ ქართველები ვიყავით... ქართველები — დავით გურამიშვილის სამშობლოდან.

ნაცნობი სიტყვების განმარტებანი

- სიყვარული** — ყველაზე უფრო საგულისყურო და საპატიო გახლავთ ადამიანურ სისუსტეთა შორის. **ჩარლზ დიკენსი**
- სისასტიკე** — არის შედეგი შიშის, სისუსტის და სიმბდალის. **კლოდ ჰელვეციუსი**
- ხელოვნება** — უმშვენიერესი, უმკაცრესი, კეთილი და სასიხარულო სიმბოლოა მარადიულობისა. **თომას მანი**
- ფერწერა** — ესაა პოეზია, რასაც ხედავენ, ხოლო პოეზია — ფერწერა, რომელსაც ისმენენ. **ლეონარდო და ვინჩი**
- კარიერა** — გახლავთ შეკრულ თანამზრახველთა სამარცხვინო და საშიში ნაშთი, რასაც ავტორიტეტული საზოგადოება ინარჩუნებს და მაინც შეიცავს ბარბაროსული მდგომარეობის გაშიშვლებულ ნაშთებს. **ხოსე ბარკე**
- მხატვრული მკაცრობა** — აზრის ფერწერაა. **პლემ პასკალი**

მირგოროდში, მშვენიერი მუზეუმის გარდა არსებობს გურამიშვილის სახელობის ბიბლიოთეკაც, გურამიშვილის სახელობის სკოლაც...

ქართველი პოეტის სახელი აქ თაობათა ცნობიერებაშია ჩანერილი...

ყოველ წელს, დავით გურამიშვილის დაბადების დღეს, ახლომახლო სოფლებიდან ტრადიციულად, როგორც სახალხო ზეიმზე, ოჯახებით უკრაინელები ჩამოდიან... მათ ისე იციან გურამიშვილის ბიოგრაფიის დეტალები, როგორც მშობლიური წინაპრის...



საფლავთან მოვხვდით... მზე ჩადიოდა... გზად მოხუცი, თავსაფრიალი ქალის სილუეტი შევნიშნეთ, მოხრილი, სიფრიფანა სხეულით... ორი ღერი მოყვითალო ფერის, მასავით გაცრეცილი ყვავილი ეჭირა. საფლავს მიუახლოვდა და ზედ ნელ-ნელა, შენელებული კადრივით დაიხარა... როცა ყვავილები დაანყო, შევამჩნიე, რომ წარწერას „David Guramishvili“; ფრთხილად გადაუსვა ხელი... მაშინ მეგონა, რომ მთელი უკრაინა მოეფერა ჩვენს უბედურ პოეტს...

არადა, უკეთესად როგორ შეიძლება გამოიხატოს პოეტის უკვდავება?...

ნინო სოფარიანი



საქართველოს ქვეყნის სიღრმის შეხვედრის



ის აზრი, რომ ყველაფერი ცვალებადია, ჩვენ თბილისისა და ლონდონის ამინდებზე საუბრისას განვაგრძეთ.

ზაზას განმარტებით, ცნობილი ლონდონური ნისლიანი ამინდი, აქედან გამომდინარე, გამოთქმა „ინგლისური ამინდი“ აღარ არსებობს.

ჩვენ, ანუ ისინი, ვინც ამ მოკლე ხანში დიდ ბრიტანეთში გამგზავრებას არ ვაპირებთ, იქაური კლიმატის შესახებ ზაზას მოკლე ინფორმაციითაც დავემყოფილდით, ხოლო რაც შეეხება საუბრის მთავარ საგანს. ახალი ქართული ემიგრაციის თემას — უფრო ბევრი გვინდა ვიცოდეთ...

მესამე ათასწლეულში ემიგრანტთა შეუჩერებელი ნაკადი თვით მწერალ-ჰუმანისტ უმბერტო ეკონსაც თითქოს მათ წინააღმდეგ განწყობს: „თუ მოვლენათა განვითარება რაიმე მიზეზის გამო პირუკუ არ დატრიალდება (არადა, ყველაფერი მოსალოდნელია), უნდა მოვემზადოთ და ველოდოთ, რომ ევროპა ნიუ-იორკის ან ლათინური ამერიკის სახელმწიფოებს დაემსგავსება“...

ვერ გეტყვით, რამდენად რეალურია კულტურათა თანაარსებობის იდეა იქ, სადაც ყველა იყენებს შედარებით იოლ სასაუბრო ენას — ინგლისურს, და სადაც თეთრკანიანი მოსახლეობა თანდათან პროცენტულად მცირდება... გარდასულ დროებაზე ნოსტალგიით შეპყრობილი ევროპა ამაზე დიდი ხანია ფიქრობს და შიშობს.

ჩინელები, კორეელები, პაკისტანელები, ებრაელები, პოლონელები, ალჟირელები, ზამბიელები, მაროკოელები, რუსები, სომხები, ქართველები! — მესამე ათასწლეულის მიგრანტები ევროპის კარებში შეღწევას ცდილობენ... ვფიქრობთ, გამოწვევის გარდა, ისინი, ძალიან სასურველი სტუმრები არ არიან...

ემიგრანტებს მატერიალურ კეთილდღეობაზე არანაკლებ სულიერი საყრდენები სჭირდებათ... სათვისტომოების, მშობლიურ ენაზე დაბეჭდილი ჟურნალ-გაზეთების, გამოხმაურებების, თუ მათთან გამართული დიალოგის სახით...

— ზაზა, როდის და რა ვითარებაში დაინწყით ჟურნალის გამოცემა?

— მიუხედავად ამისა, როდის და რა ვითარებაში დაინწყით ჟურნალის გამოცემა? — მიუხედავად ამისა, როდის და რა ვითარებაში დაინწყით ჟურნალის გამოცემა? — მიუხედავად ამისა, როდის და რა ვითარებაში დაინწყით ჟურნალის გამოცემა?

შაო. მერე, 3-4 თვეში, როცა იქ ჩემი საქმე ავანყვე, მიუხედავად ბრუნდის და 26 მაისის აღსანიშნავი ნომერი გამოვეცით. ორი ნომერი გამოვიდა გერმანიაში, შემდეგ უკვე ლონდონში გამოდის.

— თქვენი ავტორები, როგორც ვხედავ, მხოლოდ უცხოეთში მცხოვრები ქართველები არიან.

— ჩვენი პრინციპია, რომ უცხოეთში მცხოვრებმა ქართველებმა წერონ. ჩვენ არ ვბეჭდავთ ქართულ პრესაში გამოქვეყნებულ მასალებს.

— არც „დაიჯესტის“ სახით?

— არ ვაკეთებთ ამას. არადა, ალბათ კარგი იქნება, რომ გავაკეთოთ.

— წარმომიდგენია, რა რთული

საქართველოს რესპუბლიკის საინფორმაციო ცენტრი

„შეიმდგომის საღამოს“ ჯერ გამოცემული წიგნის და დაუსრულებელი ფილმის შესახებ ვისაუბრეთ, რომელსაც რეალური განმხორციელებელი ჰყავს... მაგრამ კიდევ რამდენი ისტორიაა დასაწერი, გადასაღები... რამდენი უცნობი მასალაა ქართველი ინტელიგენციის ცხოვრებიდან... „კვირაძალის საკითხავი“ დღეს

თათული ლვინია შვილი: რამდენჯერ მინახავს დედა, განმარტებული, როგორ წერდა ამ მოგონებებს... ხედავ, ამ ფურცლებზე ზოგან ცრემლის კვალია... ერთხელ შევედი ოთახში და დავინახე: ეს რვეული წინ გადაშლილი ედო და ლაპაღუპით ჩამოსდოდა ცრემლი... 1937 წელს მამა უკანასკნელად დააბატონეს... ისევ რიგები ციხის



სრულიად განსაკუთრებულ მასალას გთავაზობთ. ეს არის ფრაგმენტი ჯერ შეუდგენელი, დაუსტამბავი წიგნიდან და გადაუღებელი ფილმიდან... არავინ იცის, როდის გამოვა წიგნი და ვინმეს გაუჩნდება თუ არა სურვილი ამ სიუჟეტის ეკრანიზაციის, მაგრამ ვფიქრობთ, მშვენიერი დოკუმენტალური მასალაა... ჩვენს წინაშე უკვე გაყვითლებული ხელნაწერი: ქალბატონ ბაბუ დადიანის დღიური. ვკითხულობთ და დროდადრო კომენტარებს ურთავს მისივე ქალიშვილი — ქალბატონი თათული ლვინია შვილი.

სარკმელთან მისასვლელად... ისევ სირბილი აფორიქებული ჭირისუფლების... ერთხელ დედა საღამოთი წავიდა, რომ მეორე დღისთვის რიგი დაეჭირა... უნდა მობრუნებულიყო, მაგრამ არ მობრუნდა. ღამე აღარ დაბრუნებულა, აღარც მეორე დღეს... მე და ჩემი ძმა გიორგი შევწინდით და დედის საძებნელად წავიდით... ძერჟინის ქუჩიდან ორთაჭალამდე ფეხით ვიარეთ... ციხის კარებთან ხალხი ჩაჭედდით... „წყალი, წყალი!“ — ყვიროდნენ ქალები. პეშვიტი ვანკვიდით წყალს... თურმე ისინიც დღე და ღამე იქ იდგნენ...



დაბამთავრებ თბილისის ტექნიკური უნივერსიტეტი, მუშაობდა გერმანიაში „დაიმილერ-ბენცის“ კომპანიაში. მისი პროექტი შტუტგარდის ოფისის ოთხსართულიანი შენობა და ერთი სიდი აშენდა.

შემდეგ მიუხედავად ბუნდესვერის უნივერსიტეტის დოქტორანტი გახდა. მუშაობდა გერმანიის დიდ ენერგომიმწოდებელ კომპანიაში, შემდეგ მსხვილ იამონურ კომპანიაში. მეგობართან ერთად საკუთარი კომპანია აც დააფუძნა.

ინგლისში მუშაობდა გრინვიჩის უნივერსიტეტის ერთ-ერთ კათედრაზე. ამჟამად არის ლონდონში, სამედიცინო აპარატურისა და აღჭურვილობის დამამზადებელ კომპანიაში მთავარი ინჟინერი.

მისი რედაქტორობით გამოდის დიდ ბრიტანეთში ქართულენოვანი ჟურნალი: „თანამემამულე“.

საზრისით მინდოდა დახმარება, სხვა არაფერი... ჩვენი ურთიერთობა და თანამშრომლობა შედგა. მერე ამ საქმეში ჩემი მეგობარი ნინო ხაბეაშვილიც ჩაერთო... წერილებსაც ვწერდით... გვერდოდა ჟურნალის უფრო კითხვადი გამხდარიყო. ბატონი კარლო გერმანული სინტაქსით, რთული ქვეყნობილი წინადადებებით წერდა... ეს კაცი, 1942 წლიდანაა გერმანიაში. ამიტომ მისი სტილის შენარჩუნებაც გვსურდა. უბრალოდ, ცოტა სხვა ფორმატი იყო მოსაძებნი...

ბატონმა კარლომ გვიჩვენა: მე უკვე ფრთა შეგასხით, წადით ახლა და თქვენი ჟურნალი გამოეცით... ეს იმ დროს დაემთხვა, როცა მე დიდ ბრიტანეთში გადავედი სამუ-


იყო მსოფლიოს ყველა ქვეყანაში კორესპონდენტების მოძიება.

— ისინი სხვადასხვა პროფესიის ადამიანები არიან. პარალელურად ყველა თავისი საქმიანობა აკავებენ. ეს ხალხი სხვადასხვა თემებზე და, რა თქმა უნდა, სხვადასხვა უნარით, წერს... ჩვენ გვინდოდა, რომ ამ ჟურნალის ხელნერა მათი ნააზრევი ყოფილიყო, ანუ რას ფიქრობენ ამა თუ იმ თემაზე თუ მოვლენებზე თავად ემიგრანტები... საქართველოდან მომდის მასალები მხოლოდ რელიგიის შესახებ და საბავშვო გვერდი. ამას ჩემი და ამზადებს... ეს ის მასალებია, რასაც იქ ვერ მოიპოვებ. ხომ არ შეიძლება, ადამიანებს, ისიც ემიგრანტებს, დაკვეთით აწერიან ლექსები სხვაგვარი, სხვა ენა ესმის, გვიან იწყებს საუბარს. ლაპარაკის დანაშაულის პირველ ეტაპზე ძალიან ურევს ენებს... ორივე ენას, აბსოლუტურად... მაგრამ დაახლოებით 3-4 წლის ასაკში ყველაფერი თავის ადგილას მიდის და ბავშვი ორივე ენაზე ლაპარაკობს.

ჩვენ ლონდონში სოციოლოგიური გამოკვლევა გავაკეთეთ და ვადგინეთ, რომ ე.წ. ორენოვანი ბავშვები გაცილებით გახსნილი და განვითარებული არიან... მათ უფრო გავარჯიშებული აქვთ გონება. არსებობს კითხვა: შეიძლება ოჯახში, როცა დედა ქართველია და მამა უცხოელი, ან პირიქით, მამა ქართველია და დედა

დრონი ისვალნენ...

ახლა...
ედუარდ კოპიტი: „საქართველოს მხარის მოქმედებამ გვაიძულა, აფხაზეთთან სერიოზული სამხედრო კავშირის შექმნაზე დაგვეწყოს საუბარი.“
ქართველები ჩვენს წინააღმდეგ მასშტაბურად აიარაღებენ არმიას. ჩვენ გამოვუცხადეთ ბრძოლა ქართულ სეპარატიზმს!
სამხრეთ ოსეთი და აფხაზეთი უნდა აღიქვან ისეთად, როგორებიც ისინი არიან და არა ისე, როგორც სურს საქართველოს!..“



წინათ...
გალაკტიონ ტაბიძის არქივიდან
სოხუმის სასტუმროში შედგენილი ლექსების რვეული



თბილისის სამხატვრო გალარეა, გალაკტიონ ტაბიძე ათვალიერებს სამხრეთ ოსეთის მხატვართა ნამუშევრების გამოფენას. ფოტო ვ. უბოჟენოსი. 1956 წელი.

დედის დღიური შვილის კომენტარებით...

ბოლოს და ბოლოს დედამ ფანჯარასთან მიადნია. იქ უთხრეს: „გადასახლებულიაო.“ სასონარკვეთილები ერთად წამოვედით. მოდოდა დედა უკვე ძალიან დაღლილი, დასივებული ფეხებით. ფეხსაცმელებს ვეღარ იკრავდა... ფაქტიურად ერთი ღამე და ორი დღე ხომ ფეხზე მდგომმა გაატარა...
დაღამებისას გაიქცა ნავთლულში, რადგან უთხრეს, იქ გეტყვიან, სად გადასახლესო. გაიგო: **ემელინი წასულა როსტოვის მიმართლებით...**
მეორე დღეს დედამ საჯარო ბიბლიოთეკაში ბრიტანული ენციკლოპედია მიიტანა (ყველა ტომი), ჩვენთვის რომ ინახავდა მამა: „ყველაფერი რომ გავყიდოთ, წიგნები მაინც დავუტოვოთ ბავშვებსო“... უბრა-

ლოდ, დედას სხვა გზა აღარ ჰქონდა... იმ დღესვე მისცეს 2500 მანეთი...
სალამოს დედამ გაახვია მამის თბილი ქურთუკი, „იქ ძალიან სცივა ალბათ ალიოშასო“, კიდევ რაღაც წაიღო და როსტოვში გაემგზავრა... სადგურში უთხრეს, რომ ჩასული ეშელონები 12 კილომეტრის მოშორებით იდგა. ფეხით მიადნია იმ ადგილამდე. იქ მართლაც ოთხი ეშელონი იდგა. დედა მიდიოდა თითოეულ ვაგონთან და ხმამაღლა ეკითხებოდა: „არის აქ ალიოშა მასხარაშვილი?“...
დღიურიდან: „დიდი გაჭირვებით გადავხადე მორეზები და მივუახლოვედი ერთ დიდ საბარგო მატარებელს, ვეძახდი ალიოშას, ვეძახდი ხმამაღლა, გავყვიროდი...

ჩამოვიარე მთელი გრძელი ეშელონი. მერე გავძვერი იმ მატარებლის ქვეშ და მეორე ლიანდაგზე განოლილ ასეთივე მატარებელს მივადექი. შევძახოდი საბარგო ვაგონებში ჩაჭედებულ პატარ-პატარა ფანჯრებს, დავბოდი პირველი ვაგონიდან ბოლო ვაგონამდე... ვეძახდი, ვეძახდი, თავანწირვით ვყვიროდი!..
თათუღი ღვინისაშვილი: როგორც ჩანს, ამ ვაგონში ჩაჭედებულ პატარებს ესმოდათ დედას ხმა, უთანაგრძობდნენ და გადასახებდნენ თურმე ერთმანეთს: „ალიოშა მასხარაშვილი არის ჩვენთან ვინმე?“ „ალექსანდრე მასხარაშვილი არის მაქ ვინმე?“... ერთმანეთში ირეოდა დედაჩემის თავანწირუ-

ლი ძახილი და ვაგონებში შეყრილ პატიმართა დაგუბებული ხმები. თითქოს გუგუნებდნენ ვაგონები: „არის სადმე ალიოშა მასხარაშვილი?“...
ბოლოს ვილაც ჩეკისტი დამუქრებია და შეშინდა დედა: „იქნებ ამ ეშელონების რომელიღაც ფანჯრიდან დამინახოს ჩემმა ალიოშამ და რომ მესროლონ, ამას ხომ ის ვერ გადაიტანსო...“ შვილებიც გაახსენდა, მარტო დარჩენილები...
იქვე პატიმრებს გადასცა საჭმელი... თბილი ქურთუკიც: „ალიოშას თუ ნახავთ, მიეცითო...“
რას ნახავდნენ... მამა თურმე უკვე დახვრეტილი იყო. 1938 წლის 22 თებერვალს მიუსაჯეს და 24 თებერვალს დახვრიტეს...



საყბიშვი შემოდგომის საღამოს

(მეათე გვერდიდან)
უცხოელი, რა ენაზე უნდა ესაუბრონ ბავშვს? მთავარი პრინციპია: **ერთი ენა, ერთი ადამიანი.** ე.ი. თუ ვთქვით, მამა ჰყავს გერმანელი და დედა ქართველი, მამამ ბუნებრივია უნდა ელაპარაკოს გერმანულად, ხოლო დედამ აუცილებლად ქართულად.
თუ დედამ ეს პოზიცია შეცვალა, ანუ აღარ ელაპარაკა ქართულად, რაღაც ეტაპზე ბავშვი არჩევანს აკეთებს და ერთ-ერთ ენას ირჩევს და დიდი ალბათობაა ეს უცხო ენა იყოს, რადგან უფრო მოხერხებულია მისი გაერეობისთვის. ამიტომაც ასეც ხდება ხოლმე — თუკი ამ ყველაფრის მერე დედა დაეღაპარაკება ქართულად, ბავშვი გერმანულად უპასუხებს.
მე იქ ჩემი შესაძლებლობებით ვიბრძვი, რომ ბავშვებმა ილაპარაკონ ქართულად...
(შემდეგ ზაზა ლონდონის ქართულ სათვისტომოზე საუბრობს, რომელიც სანამ უშოდ მიაჩნია ჩვენს თანამემამულეთა, სხვა სათვისტომოებს შორის... საუბრობს იმ ფსიქოლოგიურ ბარიერზე, რაც ემიგრანტთა ურთიერთობებში მჟღავნდება, ურთიერთდობის ფაქტორზეც... ძველი და ახალი ემიგრაციის საერთო თუ განმასხვავებელ თვისებებზე. აღიარებს, რომ ეს ყველა თემა არის ძალიან რთული, არაერთმნიშვნელოვანი და პრობლემური).
— **ძველი ემიგრაციის გამოცდილება სჭირდება თუ არა ახალ ემიგრაციას?**
— ისინი, ძველი ემიგრანტები,

თავისთავად ძალიან საინტერესო პერსონები არიან. მათი ბიოგრაფიები მხატვრული რომანების თემაა... მაგალითად, არის ასეთი კაცი, შეიძლება გსმენიათ — ალექსანდრე ბესტავაშვილი. ის 100 წლისაა და არაჩვეულებრივად კარგად, მხნედ გრძნობს თავს ფიზიკურად თუ გონებრივად... ახსოვს პირველი მსოფლიო ომიც, წითლების შემოსვლაც, ჟორდანის როგორ ტოვებდა სამშობლოს... საშინელი რეპრესიებიც... ის 1929 წელს წავიდა საქართველოდან. გორიდან სტამბულამდე ფეხით ჩავიდა... იქ ურუგავის გემზე უშოვია სამუშაო... და იმ პერიოდში, როცა მარსელს მიადგნენ, საფრანგეთში გადავიდა...
წარმოიდგინეთ, ეს გორელი ბიჭი როგორ სწავლობს ენას, როგორ იღებს უმაღლეს განათლებას — სოციოლოგიის განხრით, და არ ასვენებს ფიქრი, რომ სამშობლოში ჩამოვიდეს და როგორც პროფესიონალი, თავის ქვეყანას გამოადგეს... ამ ენთუზიაზმით 1936 წელს მიადგა საფრანგეთში საბჭოთა საელჩოს: მე ვარ ქართველი, მივიღე ცოდნა-განათლება და ახლა მინდა სამშობლოში დავბრუნდე და ვიმუშაოო“...
...სიტუაცია ასე წარიმართა: ციმბირში უკრეს თავი... ბატონ ალექსანდრეს აქვს უნიკალური მოგონებები, დოკუმენტები, ვიდეოჩანაწერები... მეც ბევრი საუბარი აღვებქდე ვიდეოფორზე... დავაინტერესე გერმანელი პროდიუსერი და ახლა მასზე ფილმს ვიღებთ...

ქსენოფონი
კვირაკალს საკითხავი
THE MAGAZINE OF GEORGIANS LIVING ABROAD • THE ORGAN OF THE GEORGIAN COMMUNITY IN THE UK
გაზეთიდან 2003 წლის მაისიდან **Tamamemamam** 4(15) ივლისი-აგვისტო, 2005 წელი

ვფიქრობ, წიგნიც უნდა დაინეროს. ეს ერთი ადამიანის კი არა, მთელი თაობის ბედისწერას ეხება. წიგნის გამოცემის ორგანიზებასაც მე ვაპირებ...
* * *
შურნალის „თანამემამულე“ უკანასკნელი ნომერი, რომელიც ზაზა მესხმა გადმომცა, თავის არჩეულ გეზს აგრძელებს, ანუ მოვლენათა ანალიზს ქართული ემიგრაციის თვალთახედვით.
მათ, იქიდან ჩამოსულებს, განათლება და გამოცდილება მიღებულ უცხოელ ქართველებს, ციმბირში წამდვილად აღარავინ უკრავს თავს, მაგრამ რა ელოდებოდაქ?.. მოახერხებენ კი თავიანთი შესაძლებლობების რეალიზებას?
რაც შეეხება განათლების სფეროს. ზაზა მთელი კატეგორიულობით აცხადებს, რომ ჩვენი (თბილისის) უნივერსიტეტები უფრო მეტ და უნივერსალურ ცოდნას იძლევიან, ვიდრე უცხო-

ეთის რიგი უნივერსიტეტები, რისი დიპლომებითაც დღეს ძალიან იწონებენ თავს. (აქ არ იგულისხმება კემბრიჯი და ოქსფორდი). ეს ვფიქრობთ, ჩვენთვის მნიშვნელოვანი ინფორმაციაა.
საუბარი ჟურნალის მომავალსაც შეეხო. „თანამემამულე“ მალე სხვა ფორმატით გამოვა, სრულიად ახალი, შეცვლილი დიზაინით.
ასე რომ ლონდონში არა მარტო ამინდები იცვლება...
დასასრულს აღმოჩნდა, რომ თუ ემიგრაციის ყველა პრობლემას შევეხებით, ჩვენს საუბარს არასდროს ექნება დასასრული

და ასე არაერთი შემოდგომის საღამო გაივლის...
მეორე დღეს ზაზა უკვე ბრიტანეთში მიემგზავრებოდა. ერთადერთი, რის გარკვევაც სრულიად უშედეგოა, ალბათ ის გახლავთ: კარგია თუ არა, როცა ქართველები ევროპასა და ამერიკაში საცხოვრებლად მიემგზავრებიან...
იგივე ევროპელი მწერლის აზრით, „ემიგრაციები სტიქიურ უბედურებებს ჰგვანან იმით, რომ ჩვენს ნება-სურვილზე არ არიან დამოკიდებული...“
ესაუბრა ნინო სოფერიანი



J.D. Power and Associates კომპანიამ შეადგინა 2005 წლის რეიტინგი, რომელშიც მოცემულია, თუ როგორია ახალი ავტომობილის მყიდველთა კმაყოფილების დონე.

ბაზმპკითხმს ახალი მანქანების 115 ათასზე მეტი მფლობელი, რომლებმაც გამოთქვეს თავიანთი აზრი მანქანის ექსპლუატაციის პირველი სამი თვის განმავლობაში მისი მუშაობის შესახებ. ავტომობილებს აფასებდნენ ძრავის მუშაობისა და ტრანსმისიის, ადვილი მართვის, მუხრუჭების ეფექტიანობის, ერგონომიკის და მოხერხებული სავარძლებისა და სალონის, კონდიციონერის მუშაობის, აუდიოსისტემის უღერადობის ხარისხის, ძარის დიზაინისა და სხვა მაჩვენებლების მიხედვით. ქულათა მაქსიმალურად შესაძლო ჯამი ათასს უდრიდა. 908 ქულით გაიმარჯვა **PORSCHE 911** ავტომობილმა. მეორე მხრივ კი, საიმედოობის დონის მიხედვით, ამ მოდელმა მხოლოდ 147 ქულა მოაგროვა. პარადოქსია?

კომპაქტ-კლასი

MAZDA 3 — იაპონია
 დეფექტების რაოდენობა — 149
 კმაყოფილების ხარისხი — 852 ქულა ფასი — \$18.700

საშუალო კლასი

VOLKSWAGEN JETTA — გერმანია
 დეფექტების რაოდენობა — 147
 კმაყოფილების ხარისხი — 848 ქულა ფასი — \$25.000

ბიზნეს-კლასი

NISSAN MAXIMA — იაპონია
 დეფექტების რაოდენობა — 120
 კმაყოფილების ხარისხი — 863 ქულა ფასი — \$39.000

ავტომობილით კმაყოფილების დონე

Porsche	908
Land Rover	905
Lexus	903
Jaguar	902
Mercedes-Benz	902
Infiniti	901
BMW	898
HUMMER	897
Cadillac	896
Audi	895
Acura	886
Volvo	883
MINI	882
Lincoln	881
Nissan	863
Scion	862
GMC	860
Honda	859
Mercury	858
Saab	858
Toyota	857
დარბუი	
საშუალოდ	855
Buick	854
Mazda	852
Mitsubishi	852
Pontiac	852
Chrysler	851
Isuzu	851
Ford	848
Volkswagen	848
Kia	845
Dodge	839
Chevrolet	838
Hyundai	836
Jeep	833
Subaru	830
Suzuki	828
Saturn	827

სპორტკარი

PORSCHE 911 — გერმანია
 დეფექტების რაოდენობა — 147
 კმაყოფილების ხარისხი — 908 ქულა ფასი — \$119.900

წარმადგენლობითი კლასი

BMW 7-series — გერმანია
 დეფექტების რაოდენობა — 95
 კმაყოფილების ხარისხი — 898 ქულა ფასი — \$113.700

დეფექტების რაოდენობა ყოველ 100 ავტომობილზე

Lexus	81
Jaguar	88
BMW	95
Buick	100
Cadillac	104
Mercedes-Benz	104
Toyota	105
Audi	106
Infiniti	109
HUMMER	110
Hyundai	110
Honda	112
GM	113
Lincoln	113
Acura	116
დარბუი	
საშუალოდ	118
Jeep	120
Mercury	120
Nissan	120
Chrysler	121
Chevrolet	127
Ford	127
Mitsubishi	129
Pontiac	129
Dodge	130
MINI	130
Scion	134
Saab	136
Saturn	136
Subaru	138
Kia	140
Volvo	140
Porsche	147
Volkswagen	147
Land Rover	149
Mazda	149
Suzuki	151

საოჯახო მანქანა

KIA SPORTAGE — კორეა
 დეფექტების რაოდენობა — 140
 კმაყოფილების ხარისხი — 845 ქულა ფასი — \$19.920

ყველაგანაპირობა

LAND ROVER — ინგლისი
 დეფექტების რაოდენობა — 149
 კმაყოფილების ხარისხი — 903 ქულა ფასი — \$109.900

პროგრესი ერთ ადგილზე არ ჩერდება. ტექნიკური საიმედოობის მიხედვით თითქმის არაფრით ჩამოუვარდებიან ლიდერს — **LEXUS**-ს ავტომობილების მსოფლიო მწარმოებლები. და ახლა პირველ ადგილზე გადის ავტომობილის დიზაინი, სალონის აღჭურვილობა. მომხმარებელს სულ უფრო მეტად მოსწონს ისეთი მოდელები, რომლებშიც ესმება ხორცი ახალ ტექნიკურ გადაწყვეტილებებს, რომლებიც უფრო კომფორტულს და სასიამოვნოს ხდის ავტომობილის მართვას. საიმედოობამ კი მეორე პლანზე გადაინაცვლა. და კიდევ ერთი ფრიად მნიშვნელოვანი დეტალი: ახალ ანგარიშში ფიგურირებს შვიდი ახალი მანქანის მქონე. მსოფლიო ავტომობილის სულ უფრო მრავალფეროვანი ხდება.

მსტრიმი

HUMMER H2 — აშშ
 დეფექტების რაოდენობა — 110
 კმაყოფილების ხარისხი — 897 ქულა ფასი — \$93.000

J.D. Power კომპანიის მონაცემების მიხედვით, გამოკითხულია 115 ათასი კაცი.

J.D. Power კომპანიის მონაცემების მიხედვით, გამოკითხულია 115 ათასი კაცი.

მოდა

როგორ გემოსავს შემოდგო-

მალალი მოდის ჩვენებებზე ამ სეზონის რამდენიმე ძირითადი ატრიბუტი გამოიკვეთა, კერძოდ მოკლე ტყავის ქურთუკი, რომელიც ავიატორების ქურთუკს მოგაგონებთ და ნლევიანდელ შემოდგომაზე განსაკუთრებით აქტუალურია — დამოკლდა მისი სიგრძე, ფორმა კი, ხაზს უსვამს მხრების სიგანესა და ტანის სილუეტს. ძველმოდურად ითვლება ფერადი ტყავის ქურთუკები. დიზაინერები მიიჩნევენ, რომ შემოდგო-

მის ეს პიტი მუქი მასალისგან უნდა იყოს შექმნილი (შავი, ნაცრისფერი, ყავისფერი). მოტილანდიური ქვედაბოლო — მსოფლიოს პოდიუმებზე მოტილანდიურმა და გერმანულმა მიმართულებებმა განსაკუთრებით იჩინეს თავი. ქვედაბოლოები კუბოკრული შეფერილობით ძალიან მოდურია, თუმცა, ველვეტის, ხავერდის და ჯინსის ქსოვილისგან შეკერილი ქვედაბოლოებიც მოდის უკანასკნელ გამოცხად ითვლება.

ვინრო შარვლები — შემოდგომა-2005-2006 მოდაში აბრუნებს ახალგაზრდა მადონას ეპოქას, როცა იგი ვინრო შარვლებში იღებდა სურათებს და საზოგადოებას უსაზღვროდ ხიბლავდა. ასეთი სწორი ფორმის შარვლები აქტუალურია, როგორც მამაკაცებისთვის, ასევე ქალებისთვისაც. მბრწყინავი ქამრები — მოდური ქამარი საშუალო სიგანისაა, მის პატარა მბრწყინავი ბალთა და ჩაცმულობის ტონალობისგან

განსხვავებული ფერი უნდა ამშვენებდეს. თუ მიუმიუსა და პრადას დავუჯერებთ, ასეთი ქამრების მოხდენა უაკეტის ზემოდანაც შეიძლება, თუმცა, არც კოქტილის კაბებზე იქნება ურიგო.

მალაკუსლიანი ჩექმა — მოდურია ბოტფორდები, განსაკუთრებით კი, მალალი ქუსლი, რომელსაც მრგვალი ცხვირი ამშვენებს. ამჯერად, უხეში ტყავისგან შეკერილი ჩექმები არის აქტუალური.

გრძელსახელურიანი ჩანთა — საქმიანი ქალებისთვის კვლავ უპრიანია დიდი ზომის ტყავის ჩანთები, რომლებსაც შარშანდელისგან განსხვავებით გრძელი სახელური ამშვენებს. ქურთუკების მსგავსად ხელჩანთებიც მუქი ფერის უნდა იყოს, ასე გვკარნახობენ მოდის ნამყვანი დიზაინერები.

გრძელი ხელთათმანები — ამ სეზონისთვის ხელთათმანი განსაკუთრებული მოდური რიტორიკით გამოირჩევა, მისი სიგრძე მაქსიმალურია, ეს რეტრო მოდელი, რომელიც შემოდგომის მთავარ აქსესუარად ითვლება, უსახელო კაბებთანაც შეგიძლიათ გამოიყენოთ.

კეპები — მოდურია ველვეტის, ტვიდის, ტყავის კეპები. მათი მოხმარება შეიძლება ჯინსთან, კლასიკურ კოსტიუმთან და ნებისმიერ ფსევდოინგლისურ ანსამბლთან ერთად. კეპიანი თანამედროვე ქალი ოდრი ჰუბერნის 60-იანი წლების გმირებს უნდა მოგვაგონებდეს.

ლელა დონაძე.



ინფორმაცია

სხვაბპარი პროპოზაცია ვერ მოიბონა?

მიუსაფარ ბავშვთა სარეაბილიტაციო ცენტრის „მომავლის სახლის“ დირექტორს ცირა ლანჩავას შეხვედრა სურს განათლების მინისტრ ალექსანდრე ლომთაძესთან, რომელმაც იგი სამსახურიდან გაანთავისუფლა.

„შე პრეტენზია არ მაქვს თანამდებობაზე. თუმცა უნდა დადგინდეს პროფკაცია რეალური მიზეზი, რადგან ეს მიზანმიმართულად კეთდება“, — აღნიშნა მან.

არსებული ინფორმაციით, „მომავლის სახლის“ ერთ-ერთი აღსაზრდელი ქალაქის მსხვერპლი გახდა. თქვენი ტიპი 16 წლის მოზარდმა სარეაბილიტაციო სახლი დატოვა და მასთან დაკავშირება ვერ ხერხდება. ამგვარ ინციდენტს მიუსაფარ ბავშვთა სარეაბილიტაციო ცენტრში კატეგორიულად გამორიცხავენ. აღნიშნულ ფაქტს ისანი-სამგორის რაიონულ პროკურატურა გამოიძიებს.

ინტერპრესი

აზიზა

თეატრები

ზაძარია ფალიაშვილის სახელობის თბილისის ოპერისა და ბალეტის სახელმწიფო აკადემიური თეატრი

15 ოქტომბერი — ლუდვიგ მიხელის „დონ კიხოტი“ ალექსეი ფადეევიჩევისა და ნინო ანანიასვილის მონაწილეობით. 16 ოქტომბერი — ლუდვიგ მიხელის „დონ კიხოტი“ რედაქციით. დასაწყისი 19 სთ. და 15 სთ.

თავისუფალი თეატრი

15 ოქტომბერი — „კომედია ტეტი“. რეჟისორი ავთო ვარსიმაშვილი. 16 ოქტომბერი — „ბონა ციფ-შიძის ქუჩაზე“. რეჟისორი გიორგი შალუტაშვილი. დასაწყისი 19 სთ.

სანდრო ასამბროსი სახელობის დრამატული თეატრი

15 ოქტომბერი — „ზაფხულის ღამის სიზმარი“. რეჟისორი დავით ანდლუაძე. 16 ოქტომბერი — „მეფე ლორის თავგადასავალი“. დასაწყისი 18 სთ.

თეატრალური სარდაფი ვაკეში

15 ოქტომბერი — ბომარშეს „ფიგაროს ქორწინება“. რეჟისორი ლევან წულაძე. 16 ოქტომბერი — ბომარშეს „ფიგაროს ქორწინება“. დასაწყისი 19 სთ.

თეატრალური სარდაფი რუსთაველი

16 ოქტომბერი — ნინო ბახლიას „თავგვი“. რეჟისორი ლევან წულაძე. დასაწყისი 19 სთ.

კინოთეატრები

„აშირანი“

15, 16 ოქტომბერი — ლევან თუთბერიძის „გასეირნება ყარაბაღში“. დასაწყისი 13 სთ, 15 სთ, 17:30 სთ, 20 სთ, 22 სთ.

„რუსთაველი“

15, 16 ოქტომბერი — ლევან თუთბერიძის „გასეირნება ყარაბაღში“, ქართულ ენაზე დუბლირებული კომედია „კაცი გამობახებით“, მულტიფილმი „რეზერვისტი ჩიტები“.

BECHTEL logo and advertisement text: ბექტელ ინტერნეშენალ სისტემს, ინქ. კონფერენცია ქართული ქვეკონტრაქტორებისა და მომწოდებლებისთვის სამუშაოს შეთავაზების შესახებ. Includes details about the conference and contact information.

ცოტაც გავიცინოთ...

ქმარი სახლში შევარდა, ცოლს ეცა და კოცნა-ალერსი დაუნყო. სამაგიერო მხურვალე კოცნაც მიიღო.

— აბა, ახლა მითხარი, — ეუბნება ქმარი, — მოგწონვარ უულვაშო? — აჰ, ეს შენა ხარ?!

ქათმის ჭამა კარგია, როდესაც ორნი ხართ: თქვენ და ქათამი!



ივანე სახლში უხარისხო წვენი მიიტანა.

— თუ ის ასპროცენტიანია, მაშინ წვენია, თუ მასში 50

პროცენტი წყალია, ეს სასმელია, ხოლო თუ წყალი 50 პროცენტზე მეტია, ეს ნექტარია.

— დიას, დიას, სწორია, — გახარებულა ივანი, — მუდამ ვიცოდი, რომ არაფი ნამდვილი ნექტარია!


— ძმაკაცებ დაგირეკა, — ეუბნება ცოლი ივანს.

— რა მინდაო? — მთხოვა, შენთვის გადმომეცა, რომ სათევზაოდ წასვლა გადაიდო, რადგან ბარი აღწერის გამო დაკეტილია.

— თუ შეიძლება, ჰკითხეთ დაზარალებულს, რა გვარია, რათა შევძლოთ მისი მშობლებისთვის შეტყობინება, — ეუბნება ექიმი ექთანს.

— ვკითხე, მაგრამ ამბობს, მშობლებმა ისედაც კარგად იციან ჩემი გვარიო!

ჩვენი ვიქტორინა



თქვენ რა წარწერას მოუგონებდით?

ინფორმაცია

მოსამართლეთა გამოცდები 29 ოქტომბერს გაიმართება

მოსამართლეთა ახალი საკვალიფიკაციო გამოცდები 29 ოქტომბერს გაიმართება. აღნიშნული განცხადება გუშინ საქართველოს პარლამენტში იუსტიციის საბჭოს მდივანმა ვალერი ცერცვაძემ გააკეთა.

ცერცვაძის განცხადებით, ის მოსამართლეები, რომლებმაც გამოცდებ

ში გაიარეს, სასამართლო სისტემისთვის მნიშვნელოვანი შევსება იქნება.

ვალერი ცერცვაძის განცხადებით, საკვალიფიკაციო გამოცდების უმთავრესი კრიტერიუმი მოსამართლეთა ცოდნა და სუფთა წარსული იქნება.

მისივე თქმით, სასამართლო ახალი და ჯანსაღი კადრებით უნდა დაკომპლექტდეს. უახლეს წარსულში 33 ახა-

ლი მოსამართლე დანიშნა, რომლებმაც უნდა დაამკვიდრონ სასამართლო სისტემაში მაღალი კვალიფიკაცია, ობიექტურობა და მიუკერძოებლობა. იუსტიციის საბჭოს მდივნის განცხადებით, დღეს ლიკანში ახალი მოსამართლეებისთვის სემინარი გაიმართება და ის ტრადიციული გახდება, რათა საკუთარი უფლებამოსილებები მოსამართლეებმა უკეთ გაიცნონ.

ინფორმაციისთვის

ფოტოკადრი



ამას რას ხედავს ჩემი თვალები!!!



გივი ჯოღორდის ფოტო.

სსოვნა

ზაზა ცინცაძე



ჩემო საყვარელო ძმაო ზაზა! მწუხარებითა და სევდით აღსავსე ორმოცი დღე გავიდა შენი მოულოდნელი გარდაცვალებიდან. რომ იცოდე, როგორ გვტკივა გული, როგორ გვიმძიმს უშენობა ყველას — ოჯახს, ახლობლებს, ჩვენს დიდ სანათესაოს და სამეგობროს, მაგრამ რომელი ჩვენგანის ტკივილი შეედრება დედის, მზიას გულისტკივილს. მას ხომ ჯერ არ განელეხა ამ რამდენიმე წლის წინათ სამაგალითო მეუღლის, დედა ცინცაძის გარდაცვალებით გამოწვეული დარდი. მე და შენ ვიყავით დედის ნუგეში ამ მწუხარებაში, მაგრამ რა ვიცოდით მაშინ, რომ შენს ნუგეშს უფრო დიდ განსაცდელს გვიმზადებდა. ახლა მარტომ როგორ ვატარო ესოდენ მძიმე ტვირთი, ორივეს ნაცვლად რით განვუქარვო დედას დარდი, მოუშუშებელი იარა როგორ დავუამო.

სათქმელადაც ძნელია, რა ცეცხლი ტრიალებს ახლა დედაჩვენის გულში. რა სიტყვებით შეიძლება იმ განცდების გადმოცემა, როცა შენს ნაცვლად კედელზე შენს სურათს დაინახავს მხოლოდ... დედა ხომ კარის ყოველ გაღებაზე შენს შემოსვლას ელოდება, თითქოს შენი ნაბიჯების ხმაც ესმის, ჰგონია, ისევ ძველებურად შემოხვალ, გადახევე და ჰკითხავ: „დედა, როგორ ხარ, ხომ არ გადაიღალეო“...

ძნელია, გაუსაძლისად ძნელია ჩემთვის და დედასთვის ამ მწარე სინამდვილესთან შეგუება, რომ აღარასოდეს შემოხვალ ჩვენს ლამაზ ოჯახში. ჩვენთვის ეს სახლი უშენოდ დაცარიელდა. ვინ დაგვიბრუნებს იმ ბედნიერ დღეებს, ერთად რომ ვიყავით.

ჩემო ზაზა, შენთანა ძმის დაკარგვა მეტისმეტად ძნელია, ჩემს გულში მუდმივ ტკივილად დარჩები და ამ ტკივილს დრო ვერ განკურნავს, კიდევ უფრო გააძლიერებს. ან როგორ შეეგუონ შენს გარდაცვალებას ჩვენი საყვარელი დედა ზეინაბი და ბიძა ოთარი, ისინი ხომ საკუთარ შვილებში არ გარჩევენდნენ. ასე როგორ გაგვიმეტე ყველა...

დღეს მხოლოდ მე დავრჩი დედას ერთადერთ ნუგეშად, მე მას მზრუნველობას და ყურადღებას არ მოვაკლებ, ორივეს მაგივრად გავუფრთხილებდი, მაგრამ მე ჩემი ადგილი მაქვს მის გულში, შენს ადგილს ხომ ვერ დავიკავებ...

ბედნიერი არიან ჩვენი მამა დავითი და ბიძა ამირანი, ამ დღეს რომ არ მოესწრნენ.

ზაზა, შენ სულ ორმოცდაორი წელი იცოცხლე, მაგრამ ბევრის გაკეთება მოახსარი. თბილისის სახელმწიფო უნივერსიტეტში იურიდიულ ფაკულტეტზე კითხულობდი ლექციებს, სადაც მამა ათეული წლების მანძილზე მოღვაწეობდა და იურისტთა არაერთი თაობა აღზარდა. გვეამაყებოდა მამის გზა ასე სასახელოდ რომ გააგრძელებდი. ნელს უშენოდ შეაღეს შენმა სტუდენტებმა იმ აუდიტორიის კარი, რომლისკენაც მუდამ სიხარულით მიიჩქაროდი... ვერც ისინი დაგივიწყებენ...

ოჯახისა და ახლობლების გარდა გამოჩენულად უყვარდი ამ სანაგებს, მეგობრებსა და კოლეგებს. ყველა აღფრთოვანებული იყო შენი ინტელექტით, ერუდიციით, დახვეწილი გემოვნებით, სიკეთით და მაღალი კულტურით, რასაც ჩვენს დიდებულ ოჯახში ეზიარე. უყვარდი ყველას, ვინც გიცნობდა, მუდამ მეგობრების წრეში ტრიალებდი, შენც ყველა გიყვარდა და მათაც გულწრფელი ცრემლებით დაგიტირეს. გვიჭირს, ძალიან გვიჭირს იმ აზრთან შეგუება, რომ ჩვენს შორის აღარა ხარ.

დღეიდან შენი სპეტაკი სული ზეციურ საქართველოში ამალღდება და გარდაცვლილი წინაპრებისა და ახლობლების გვერდით დაიდებს ბინას. თითოეული ჩვენგანის მესხიერებაში კი სამუდამოდ დარჩები კეთილშობილების, კაცთმოყვარეობის, მეგობრობისა და პატიოსნების სიმბოლოდ.

ყველა ერთად შევთხოვთ უფალს, რომ ნათელში გამყოფოს მუდამ.

ოჯახისა და ახლობლების სხელითი შენი ძმა ზაზა ცინცაძე.

სულხან-საბა ორბელიანის სახელობის თბილისის სახელმწიფო პედაგოგიური უნივერსიტეტი აცხადებს აბიტურიენტთა მიღებას ერთიანი ეროვნული გამოცდებისთვის მოსამზადებლად: სწავლის სრული კურსის ღირებულებაა 1000 ლარი. მისამართი: ილ. ჭავჭავაძის გამზ. № 32. ტელ: 22-34-26.

გაზეთის დღევანდელი ნომერი 24-გვერდიანია.

გაზეთის მორიგი ნომერი გამოვა სამშაბათს, 18 ოქტომბერს.

საქართველოს რესპუბლიკა SAKARTVELOS RESPUBLIKA. დამფუძნებლები - გაზეთი „საქართველოს რესპუბლიკის“ თანამშრომლები. გამომცემელი - შპს „თანადგომა-ქ“ დირექტორი თინათინა კალანდიაძე. მთავარი რედაქტორი რუსლან რუსია. მორიგი რედაქტორი გონდო გულიაშვილი. ინფო 66434, მისამართი: 0108, თბილისი, მ. კოსტავას ქ. №14. ტელ: 99-73-24. სარეკლამო განყოფილება - ტელ: 93-28-13. რედაქციის მისამართი: თბილისი, მ. კოსტავას ქ. №14. აბონენტთა მისამართი: თბილისი, მ. კოსტავას ქ. №14. აბონენტთა მისამართი: თბილისი, მ. კოსტავას ქ. №14.